


觀閒廊

心

然子五  
泉雜

言述說約



約心觀

著 森 鄒

中華民國二十六年十二月初版

編主五雲王

編初成集書叢

種三他其及約心觀

發行人

王長沙南正路五

印刷所


商務印書館  
長沙南正路

發行所

商務各埠  
印書館

(本書校對者殷師竹)

徐



叢書集 成 初編

主編者五雲編

商務印書館發行

觀心約

本館據畿輔叢書  
本排印初編各叢  
書僅有此本

# 序

蔚羅之在三晉，固裒然所稱文獻藪也。嘗攷郡誌所載前代文章氣節之彥，筆不勝書。有明三百年來，學問經濟，亦復輩出不乏其人。在嘉隆之間者，如尹朔野先生、鄒漸齋先生、郝溫泉先生，鼎足而立，彪炳一時。尤今日之典型也。尹少負偉略，炳鑿於世，所著兩鎮三關志、鄉約、塞語諸書，以學問而兼經濟，傳矣。郝爲名侍御，出秉節鉞，入參樞幄，鞠躬盡瘁，生氣如新，以經濟而成學問，亦傳矣。獨漸齋先生者，致知格物，不事雕蟲，著書名山，罔諧里耳。海內又安知有漸齋先生其人哉。歲甲午秋，余待罪閒署，補過抄書，友人武承之手一帙示余曰：此吾蔚鄒先生所著之書也。垂百餘年未散佚，公盍梓而傳之？余捧讀未竟，喜躍欲狂，竊見諸篇中究天道之奧，窺地理之精微，昭人事之觀察而配合，辨說元邈，義理悠長，有斡旋兩儀、鼓舞萬象之意。較尹郝兩公別是一種學問，亦別是一種經濟。嗟乎！龜龍之字難覲，鼎彝之光易藏，無怪乎秘之久而不輕洩也。憶余甫垂髫，受先大人庭訓，謂先生大父鄉賢公積書萬卷，後夢尼山許一弟子，讀之。今先生之言聞未聞而見未見，殆非人力哉。然而先生自此傳矣。以三君子鼎立之學而萃於一方，以百餘年未見之書而獲於一日，文獻未墜，津梁尚存，余遂致書秋水鴻公，亟付剞劂，將告海內以致知格物之學矣。先生名森，號漸齋，中嘉靖辛卯科鄉試未仕卒，書名觀心約，告。

觀心約序

順治乙未歲春王正月

二

蔚州魏聚樞環溪題

# 觀心約目錄

象數篇	禮樂篇
鬼神篇	麻時篇
陰陽篇	五行篇
大陽篇	大陰篇
天樞篇	地理篇 <small>附雜言十二則</small>
物理篇	物理篇

# 觀心約

明 蔚州鄒森著

## 象數篇

沖漠无朕。渾渾淪淪。虛而無物。象數未萌。然函三爲一。神不測焉。貞一爲兩。化有漸焉。陽動而冲數以始之。陰靜而滯。象以立之。陽實也。僑蹠而發物情。故數從天。陰虛也。翕聚而鬱化精。故數從地。陽大也。厥道嘗饒。故數贏。陰小也。厥道嘗乏。故數踦。以言其立也。靜二而動一。以言其行也。靜一而動二。以言至陽之奇數也。故天三地兩而多陽。以言太極之初數也。故陽一陰二而多陰。以陽得兼陰。故天用六以顯仁。以陰不得兼陽。故地用八以藏用。陰陽老少互藏其宅。故表裏其數。迭爲消長。故轉轉其道。生出者次序自若而不僂。對待者克制相成而無惡。是故大者統之。小者分之。大者嘗不足。小者嘗盈。衍之則萬合之。則一極其變者之謂生。挺其化者之謂成。命其誠者之謂正。絢其情者之謂間。往而已生者之謂順。來而未息者之謂逆。又有體數用數。全數分數。體則生物。以屬地。用則運行。以屬天。全則渾於一。以包太極。分則行乎兩。以時動靜。夫析其類而用專。執其根而枝達。故數之實亦不過理之數。物之數、時之數、數之數。理數則肆而隱。物數則雜而不越。時數則治亂迭興。數數則聚散無常。詛信相感。故鬼神行剛柔相干。故畫

夜分奇偶相錯故質文見淑慝相揉故善否著相繼父子之道不息矣相臨君臣之理自貞矣相得兄弟之序以漸矣相合夫婦之咸有恆矣肇其端者二始也建其極者二中也究其成者二終也而爲理之原數之始者惟一也有無之極也一爲大之所以始元也實含貞以要終十爲數成所以永貞也實復元以原始二儀脾合以索陰陽三才繼立以撰神靈四時周營而驛氣五運更王而化質二其陰陽則爲四矣倍其三才則爲六矣兩其四時則爲八矣再其五行則爲十矣是知數者在推而衍之以盡貞加而倍之以再法曲而致之以會全引而伸之以觸類是故圖之五十亦五其五書之四十亦四其四乘十也下文五其五以五

卦之六十四亦八其八範之八十一亦九其九而已矣若夫於穆亡間彌綸其理者其太極乎剛柔相錯變通其化者其大易乎清通無象以無而御其有者其大虛乎唱函萬化假物以始其紀者其大初乎幽贊神明推行以神其道者其聖人乎是故馴天地之情剗四引三判理氣之異虛一乘兩制歷明時以法其圓畫野井田以則其方兩儀四象八卦重卦明易數也三經五緯四始五際明詩數也三墳五典謨訓誓誥明書數也五服五罰侵伐會盟明春秋數也禮儀三百威儀三千明禮數也三才七始五音六律明樂數也垂衣裳上元下黃旁觀翬翟五色淳光蓋擬諸三八載採五金爰造五兵揚德建武用遏弗共蓋擬諸四九卑高以陳民志自定文明而止人文是責蓋擬諸二七享帝之神用酬厥仁報祖之始用續厥終蓋擬諸一六奉天之時盡地之利以生五穀酒食是議蓋取諸五十嗚呼數在天地寓於自然河圖洛書神開我心而聖人亦所以神之也理一用殊二之不是故曰相爲經緯彼以數爲象則奇零而

無用以象爲數則多偶而難通非知數者也惟智與仁能究始終

### 禮樂篇

陰陽三合爰質於道德方而廣體虛而受者陰也故禮作於陰品節而和也德圓而大體直而施者陽也故樂來於陽發厲而平也夫一動一靜庶類纏焉一闔一闢萬聲召焉物有先後並行不害禮自章矣機動則鳴機靜則發機動謂有生之類鳴自成聲機靜則發謂革木金石之類不能自鳴而待人爲者

樂自形矣惟人也者分天之道以全命刑天之則以全性發天之精凝天之粹以全形兼天之神化與地之直方大以全心而禮樂固有之也苟非其人

厥道乃窮是故聖人圓神不滯通物之變以人治人循物之情故去僞著誠以合經窮本達變以正情夫禮者履也體也禮理原於天命禮數始於太一禮節發於人情禮器定於民俗夫汙樽抔飲燔黍捭豚厥禮之始經禮三百曲禮三千厥禮之成是故甸天之道以成規拖地之緒以定矩革歲之化以革情曾人之和以敍倫規動周營與時偕行旁通其情也矩靜德方範圍不過式和民則也情以示報委曲而端一往一來也和釋民彝不犯其天聿修其良以止其止厥利無疆故相息而不相殄相因而不相讐相咸而不相睽相序而不相褫相孚而不相射不相殄以能繼也不相讐以能治也不相睽以能一也不相褫以能序也不相射以能益也故禮者性之肢也情之貌也故性以達情以蓄仁仁以廣愛愛以生敬敬以出禮禮以明節節以和紀紀以辨秩秩以正經經以立極節明則嘉天下之會紀和則淑民物之則秩辨

則名分嚴。經正則彝倫序。極建則無偏無黨而道立矣。故曰：明禮而後可以適道。守禮而後可以治民。達禮而後可以言數。是故君子禁而斂之。綏其淫也。虛而敬之。萃其德也。節而簡之。飭其躬也。參而和之。緣其性也。不失其常。恆其貞也。物其能化。達其情也。抑抑孔嘉。賁其文也。參之以仁。俾泰而和。方之以義。俾嚴而節。通之以睿智。俾等而辨類。而分昭而析。稱而隱。成之以无妄。俾忠信而情不遺。敦厚而質能化。由是其文有理而暉吉。其事周旋而无虧。其德疏成而情文備。其道會通而典則行。或曰：禮陰也。何以爲亨爲離。爲火爲夏。曰：於二氣爲陰者。以辨其異而言也。於四時爲亨者。以嘉會而言也。於八卦爲離者。以懿文而言也。於五行爲火者。以明節而言也。於四時爲夏者。以宣大而言也。樂者。樂也。節也。樂理本於太和。樂聲生於太虛。樂數始於太一。樂節成於大中。存三恪三代之樂者。崇其德也。是故樂生於音。厥音五。五中聲。音生於律。厥律六。六中色。聲者齊量。取中旋相爲宮。以宣湮律者。立均出度。損益相生。以均鍾。清明象天。廣大象地。始終象四時。周旋象風雨。備樂之理也。以致鬼神。示以和邦。國以諧萬民。以安賓客。以說遠人。以作動物。神樂之功也。是故聖人協其始。調其間。以和合於天。陽不噍殺。則易而思陰。不沾遷。則簡而平。紀之以三。平之以六。成之以十二。厥數全播之以八風。諧之以五文。厥器完製之以六善。本之以六德。厥節明優柔和平。克崇厥德。神武不殺。克懋厥功。天下化中。克極厥治。夫樂則安。安則久。久則天天。則神。所以成德也。和平則久。久固則純。純明則終。終則復。樂所以成政也。是故君子因雜比而和以取中。因齊量而均以定一。因舞有行綴長短以修德。因歌貴直己陳德以抑偏。因節奏合以成文。而齊進退、正行。

列因淫志溺志煩志喬志之音而放鄭衛之聲聽雅頌雷出地奮致豫以體天地之撰天籟自鳴合化以順性情之德聲比則應氣捷則響止說以達物理之變心和則氣和氣和則形和形和則物和物和則天和信順以通神明之德夫樂陽也應天之和禮陰也配地之序禮陰而用陽樂陽而用陰陰陽互宅變化而嬗故禮以樂和樂以禮節和則統同於異而不離則分定而志安節則辨異於同而不淫則方嚮而志說然至禮不讓大樂希聲順至化以流機者命之不已於天也因物象以彰軌者道之不離於器也是故辨上下者必則地義別內外者必經二物詰聲之元者必以三才七始正律之情者必以宮數始終彼以器數爲者滯於物而不化非禮樂之謂也嗚呼禮樂不易知故君子貴成也成則內和外順而合於一矣

鄒子曰神鬼之說先儒固論之詳矣獨鮑魯齋所謂分類既精而析理甚明之言爲盡又曰鬼神雖有定本可抄實易而難者又曰易者天地鬼神之奧也始言幽明死生一句讐一句說入鬼神上去豈非言聖人窮理之深乎雖然鬼神實理學之大端窮理者不可不知焉作鬼神篇

天地設位易行乎中一往一來大貞乃通來者一之原也神以伸往者十之終也鬼以屈伸者直觸其類蒙極其備氣日至而滋息自無而爲有也屈者曾考其親冥反其奧氣日返而游散自有而爲無也是故木火之神生物東南七八之少也精氣爲物也金水之神終物西北九六之老也游魂爲變也神潛天鬼

潛地潛天者作陽德而氣無不之。潛地者作陰德而形無不返爲人之影爲物之精爲造化之迹爲天地之用爲二氣之良能。理者其情氣者其狀一者其靈誠者其德一與六其數害盈福謙其道不疾而速不行而至寂然不動感而遂通其妙有神之神有神之鬼有鬼之神有鬼之鬼息而息者神之神也息而消者神之鬼也消而息者鬼之神也消而消者鬼之鬼也。稽諸禮如天曰神地曰市人曰鬼辨物居方分之秩也明則有禮樂幽則有鬼神顯微無間理之一也。氣者神之盛魄者鬼之盛原始以知生亦以反終也。骨肉歸於土之謂鬼其氣發揚於上之謂神反終以知死亦以原始也若夫陰陽者貞勝以爲道也萬變者錯出以爲情也。彼山出鳴陽水出罔象木出畢方土出犧羊澤出慶忌火出游光金出精明匹夫匹婦強死魂魄憑依於人以爲淫厲皆雜揉之氣所爲理之變也不可誣也。人之饗祀鬼神者以時見其德所以不忘其功也。炎帝於火死託於竈禹勞天下死爲社后稷作稼穡死爲稷羿除天下之害死而爲宗布及夫日月星辰民所瞻仰也山林川谷邱陵民所取財用也此鬼神之所以立也有道之世其鬼不神永祈其命逮至德滅而不揚至道掩而不興明命弗蠲人鬼交傷天反時爲災地反物爲妖人反德爲亂蓋國將興神著而爲禎祥國將亡神化而爲妖孽可不慎乎是故聖人以鬼神耗荒想之無方無冬無夏祭之無度也故制爲祀典右社稷左宗廟兆五帝於其郊兆山川於其方祭之地也以冬至日祭天神人鬼以夏至日祭地示物鬼祭之時也以禋祀實柴槱燎祀天神以血祭牲沉齋辜祀地市以肆獻裸餚食祠燔嘗蒸享人鬼祭之禮也所以致之者則以一純二精三牲四時五色六律七事八種九祭十月十二辰。

所以奉之者。則以百姓千品萬官億醜兆民經入陔數。所以通之者。則以覲巫內宗外宗大祝小祝史肆師典祀守祧三辰以猶之。六祝以祈之。六祈以同之。六號以文之。六玉以禮之。九攢以享右之。求諸陽以報其氣。求諸陰以報其魄。將祭帥其屬而修除之。以致其潔。及祭帥其屬而禁止之。以致其嚴。百官誓於庫門以致其謹。百族戒於太廟以致其親。明水火以致其身之精潔。和鬱鬯以達其德之馨香。王親藉后親繅。三月繫。七日戒。三日齋。眡滌濯澣玉鬯。省牲鑊。奉玉壘。贊爵幣。告將告備。告純告潔。又以致其意之誠而已焉耳。神無乏主。俾不間行。鬼有所歸。俾不傷人。譎張爲幻。則肯告保惠民神同位。則絕地天通。鑄鼎以圖百物。以備神姦。俾民不逢不若。失祀君削以地。君黜以爵。俾人起敬。起孝。禱者陽之盛也。故發爵賜服。以順陽義。嘗者陰之盛也。故出田邑。發秋政。以順陰義。是故君子合一不測。德妙無方。遏惡揚善。道合吉凶。化而裁之。同其變乎。有感無隱。類其靈乎。不罔以生。直以事神乎。修身俟死。順以事鬼乎。德一而主善。心大而容物。體物不遺也。根心而生色。有孚而顯若。誠不可掩也。思慮未起。鬼神莫知。不由乎我。更由乎誰。故戒慎乎其所不覩。恐懼乎其所不聞也。可者致生之。不致死之。不可者致死之。不致生之。故致孝以爲仁。窮理以爲智也。身者神之會也。故先正身而後致力於神。齊明盛服。非禮不動。斯洋洋乎其如在也。洞洞乎其敬。屬屬乎其忠。斯勿勿乎其欲享也。民者神之主也。故先成民而後致力於神。民力普存而後奉牲。三時不害而後奉盛。上下有嘉德而無違心。而後奉酒醴焉。亦以心違而戾氣召民攜而神乏。主是以君子用心焉。嗚呼。循生執有者。物而不化。專於神也。寂滅爲語者。往而不返。溺於鬼也。家爲巫史

者無有要質淫於怪也。指土木偶人以爲神、魑魅魍魎以爲鬼者，拘於俗也。非明天地之性者。

### 歷時篇

天日迴行，相遡而迎。陰陽二貞，左右時行，而歲時明。是故日者，得數之正者也。天健於日，故以進爲退；會日以成歲，月躋於日，故以退爲進；會日以成月，陽用三而主於一，衍之爲十，故日用三十；陰起二而變於六，衍之爲十二，故月數十二。一年三百八十四日，彼二十四者，交數也，故去交數以爲餘，三百六十者，用數也，故取用數以爲正。由是而言，則知三百六十者，主天而言也；二百五十二者，主地而言也；三百八十四而去其二十四者，以乾坤坎離之不用者而言也。天行而爲晝夜，日行而爲寒暑，天八變於左，陽明而爲晝，進而剛也；地八變於右，陰晦而爲夜，退而柔也。晝數多者，天侵地而有餘分，三天之道也；夜數少者，地効天而不能踰，兩地之道也。春夏陽多也，故晝長夜短，亦以日之行盈上而縮下；秋冬陰多也，故晝短夜長，亦以日之行縮上而盈下。若夫晝夜之極，不過七分，亦以斗有七，而乾坤復以七變也。日數從天，辰數從地，運數從天，年數從地，從天用幹，從地用支，幹以五終，支以六終，支幹相配，以成六旬，六其六十天運以終。四時者，分二老二少也。二十四氣者，兩六陽六陰也。七十二候者，兩陽之策，三陰之策也。是故四正卦以主二十四氣，十二辟以主七十二候，六十四卦以主三百六十日歲者，依中氣一周以爲一歲。年者，依日月十二會以爲一年，冬至之後爲呼噓，則流體也；夏至之後爲吸唶，則凝形也。天之大寤在夏日。

當午正也。大寐在冬日。當子正也。自正月盡四月爲歲之朝。自五月盡八月爲歲之中。自九月盡十二月爲歲之夕。時有蚤莫也。自立冬至二月爲天之元。自三月至六月爲地之元。自七月至十月爲人之元。道有三才也。冬爲陽始。夏爲陰始。故二至爲陰陽之始終。春爲陽中。秋爲陰中。故二分爲陰陽之交會。蟲假曾終言其義也。生成發斂。言其功也。元亨利貞。言其德也。罔直蒙曾。言其方也。如北陸。如西陸。如東陸。如南陸。其日之行也。如星鳥。如星火。如星虛。如星昴。其星之中也。厥民曰析。曰因。曰夷。曰隩。稽諸人也。鳥獸曰孳尾。曰希革。曰毛毨。曰毳毛。驗諸物也。曰東作。曰南訛。曰西成。曰朔易。其時乎。曰三八。曰二七。曰四九。曰一六。其數乎。春爲少陽。夏爲老陽。秋爲少陰。冬爲老陰。其氣乎。日變爲暑。月變爲寒。星變爲晝。辰變爲夜。其象乎。東方之神大昊。乘震執規司春。南方之神炎帝。乘離執衡司夏。西方之神少昊。乘兌執矩司秋。北方之神顓帝。乘坎執權司冬。中央之神黃帝。乘坤執繩司下土。其神也。風木冬春之交。北東之維爲艮。震君火春夏之交。東南之維爲震巽。相火正夏之時。正南之方爲離。濕土夏秋之交。南西之維爲坤。兌燥金秋冬之交。西北之維爲兌。乾寒水正冬之時。正北之方爲坎。其運乎。三律以建三統。四始以始四時。黃鍾以應冬。至蕤賓以應夏。至司日以天之五音。司辰以地之六律。聲律之情協矣。陽生子而終已。乃自乾至離也。陰生午而終亥。乃自咸至節也。四時之間。合大衍之數。一期之日。同二老之策。大易之妙通矣。前六會爲息。後六會爲消。開物於星之七十六。閉物於星之三百一十五。人物始終之數明矣。大運以六十運爲一變。小運以五十年爲一變。變而進者。則爲得爲吉。變而退者。則爲失爲凶。古今治亂之故。盡矣。孟